

徐氏醫學十六種

五 Chinese

Vol VIII

8

8

蘭臺軌範卷六

吳江徐靈胎洞溪著

積聚癥痞

靈素

靈百病始生篇黃帝問於岐伯曰夫百病之始生也皆生於風雨寒暑清濕喜怒喜怒不節則傷臟風雨則傷上清濕則傷下三部之氣所傷異類願聞其會岐伯曰三部之氣各不同或起於陰或起於陽請言其方喜怒不節則傷臟臟傷則病起於陰也清濕襲虛則病起於下風雨襲虛則病起於上是謂三部至於其淫決不可勝數黃帝曰積之始生至其已成奈何岐伯曰積之始生得寒乃生積之總訣厥乃成積也黃帝曰其成積奈何岐伯曰厥氣生足惋惋生脛寒脛寒則血氣凝滯血氣凝滯則寒氣上入於腸胃入於腸胃則腹脹腹脹則腸外之汁沫迫聚不得散日以成積卒然多飲食則腸滿起居不節用力過度則脈絡傷陽絡傷則血外溢血外溢則衄血陰絡傷則血內溢血內溢則後血血為陽經之血宜涼後為陰經之血宜溫腸胃之絡傷則血溢於腸外腸外有寒汁與沫血相搏則併合凝聚不得散而積成矣凡積未有不因血而成者卒然外中於寒若內傷於憂怒則氣上逆氣上逆則六輸不通溫氣不行凝血蘊裏而不散津液滯滲著而不去而積皆成矣六元正紀大論大積大聚不可犯也衰其大半而止過則死骨空論任脈為病男子內結七疝女子帶下瘕聚

息積素奇病論帝曰病脇下滿氣逆二三歲不已是為何病岐伯曰病名曰息積此不妨於食不可灸

刺積為導引服藥藥不能獨治也積最宜外治

伏梁靈邪氣臟腑病形篇心脈微緩為伏梁在心下上下行時唾血素腹中論帝曰人有身體髀股

斷皆腫環臍而痛。是為何病。岐伯曰。病名伏梁。此風根也。其氣溢於大腸。而著於膏肓之原。在臍下。故環臍而痛也。不可動之。動之為水瀦瀦之病。

難經

病有積有聚。何以別之。然積者陰氣也。聚者陽氣也。故陰沉而伏。陽浮而動。氣之所積。名曰積。氣之所聚。名曰聚。故積者五臟所生。聚者六腑所成也。積者陰氣也。其始發有常處。其痛不離其部。上下有所終始。左右有所窮處。聚者陽氣也。其始發無根本。上下無所留止。其痛無常處。故以是別知積聚也。五臟之積。各有名乎。以何月何日得之。然肝之積。名曰肥氣。在左脇下。如覆杯。有頭足。心之積。名曰伏梁。起臍上大如臂。上至心下。脾之積。名曰痞氣。在胃脘腹大如盤。肺之積。名曰息贍。在右脇下。覆大如杯。腎之積。名曰贍豚。發於少腹。上至心下。若豚狀。或上或下。無時。

金匱

師曰。病有奔豚。有吐膿。有驚怖。有火邪。此四部病。皆從驚發得之。師曰。奔豚病。從少腹起。上衝咽喉。發作欲死。復還止。皆從驚恐得之。夫瘦人。繞臍痛。必有風冷。穀氣不行。而反下之。其氣必衝。不衝。心下則痞。問曰。病有積。有聚。有繫氣。何謂也。師曰。積者。臟病也。終不移。聚者。腑病也。發作有時。展轉痛移。為可治。繫氣者。脇下痛。按之則愈。復發為繫氣。積聚皆有形。繫氣則無形。而有氣耳。病者腹滿。按之不痛。為虛痛。者為實。可下之。舌黃。未下者。下之。黃自去。腹滿時減。復如故。此為寒。當與溫藥。脈緊如轉索。無常者。有宿食也。雖不可共牛肉作羹食之。成痼病。非亦然。醋合酪食之。令人血瘕。

病源

癥瘕。皆由寒溫不調。飲食不化。與臟氣相搏。結所生也。其病不動者。直名為癥。若病雖有結。癥而可推。

移者名為癥瘕。瘕者假也。謂虛假可動也。

蠶癥 謂腹內有癥結如蠶之形狀。有食蠶觸冷不消。生癥者有食諸雜物。得冷不消。變化而作者。

蟲癥 人有多蟲而性好噉之。所噉既多。腑臟虛弱。不能消之。變化生癥。患者見蟲必噉之。不能禁止。時從下部出。亦能斃人。

米癥 人有好啞米。轉久彌嗜。啞之若不得米。則胸中清水出。米不消化。遂生癥結。其人常思米。不能飲食。久則斃。腹內有人聲。有人腹內忽有人聲。或學人語而相答。此乃不幸致生災變。非關經絡腑冷。熱虛實所為也。服雷丸可愈。

髮癥 有人因飲食內誤有頭髮。隨食成癥。胸喉間如有蟲。上下來去者是也。

蛟龍病 三月八日。蛟龍子生在芹菜上。人食芹菜入腹。變成蛟龍。其病之狀。發則如癲。

魚癥 有人胃氣虛弱者。食生魚。因為冷氣所搏。不能消之。結成魚癥。揣之有形狀如魚也。

蛇癥 人有食蛇不消。因腹內生蛇。瘕也。亦有蛇之精液。誤入飲食內。食之。其狀常若飢。而食則不下。喉食至胸內。即吐出。其病在腹。揣摸亦有蛇狀。謂蛇瘕也。

酒瘕 人有飲酒多而食穀少。積久漸瘕。遂常思酒。不得則吐。多睡不復能食。是胃中有蟲。使之然。名為酒瘕也。

腹內有毛 人因飲食內誤有毛。隨食入腹。則漸漸羸瘕。但此病不說別有證狀。常自言食毛。因以知之。

積聚癥瘕方

奔豚湯金匱 奔豚氣上衝胸腹痛。往來寒熱。此主之。

甘草 川芎 當歸略 二半 夏 四兩 黃芩 二兩 生薑 五兩 芍藥 二兩 生薑 四兩 甘李根 白皮 升

右九味以水二斗。煮取五升。溫服一升。日三夜一服。

茯苓桂枝甘草大棗湯發汗後臍下悸者欲作奔豚此湯主之

桂枝四兩 茯苓半斤 甘草二兩 大棗十二枚 右四味以甘爛水一斗。先煮茯苓減二升。納諸藥煮取

三升。去滓溫服一升。日三服。

桂枝加桂湯發汗後燒針令其汗針處被寒核起而赤者必發奔豚 小腹上至心。灸其核上各一

壯。與此湯此灸法不循穴道亦甚易 即桂枝加桂二兩。

備急丸治寒氣冷食稽留胃中。心腹滿痛大便不通

大黃 乾薑各二兩 巴豆二枚 右先搗大黃乾薑為末。納巴豆合搗千杵。和蜜丸如豆大。藏

密器中。勿洩氣候。用每服三四丸。煖水或酒下。又主中惡。心腹脹滿。卒痛如錐刺。氣急口噤。如卒死

者。捧頭起灌。令下咽。須臾當差不差。更與三丸。當腹中鳴。即吐利便差。若口噤者。須化從鼻孔用薑管

吹入。自下於咽。此溫下之法。口噤不能服藥者亦是一法。

食食食多不消。心腹堅滿痛治之方千金

鹽一升 水三升 右二味煮令鹽消。分三服。當吐出食便差。

蛟龍病方治春秋二時龍精帶入片菜中。人偶食之為病。發時手背腹滿痛不可忍。

硬糖二升 日兩度服之。吐出如蜥蜴三五枚差。

療犬肉傷治食犬肉不消。心下堅。或腹脹口乾大渴。心急發熱。妄語如狂。或洞下。

療食鱸傷治鱸食之在心胸間不化。吐復不出。速下除之。久成癥病。

橘皮一兩 大黃二兩 朴硝二兩 右三味以水一大升煮至小升頓服即消

療鱸癰 治食鱸多不消結為癰病

馬鞭草搗汁飲之或以薑葉汁飲之一升亦消又可服藥吐之

療蝨癰 由蝨在腹生長為蝨癰按此病發服水銀

故篋子一枚 故梳子一枚 右二味各破為兩分先取一分燒灰末之又取一分以水五升煮取一

升頓服前末盡少時病出無所忌

療十年痼癖方千金

桃仁去皮尖雙仁煮熬 豉乾泡去皮熬搗篩各六升 蜀椒去目開口者搗篩三升 乾薑搗篩三升

乾可入少蜜和搗令可丸如酸棗大空腹酒服三丸日三仍熨法

椒熨方千金

取新盆一口受一斗者鑽底上作三十餘孔上布椒二合椒上布鹽鹽上安紙兩重上布冷灰一升冷灰上安熱灰一升熱灰上安熱炭火如雞子大常令盆熱底安薄檀其口以板蓋上以手捉勿令落仰卧安於腹上逐病上及痛處自捉遣移熨之冷氣及癰結皆從下部中作氣出七日一易椒鹽滿三七日百病差乃止

破癖湯千金

白朮 枳實炙 柴胡各三兩 右以水五升煮取二升分三服日三

備急熨癰方千金

吳茱萸三升以酒和煮熱布裏熨之

廣濟療驚癰癰外

白馬尿一升溫服之令盡差

廣濟療米癰癰外其疾常欲食米若不得米則胸中出清水

雞屎一升白米五合搗散用水一升頓服

療米癰癰至死癰外

葱白兩鵝梅三枚

腹煩欲吐即令出之三晨療之當吐出米癰差無所忌

廣濟療髮癰癰外人因食誤食髮即胸間如有蟲上下惟欲飲油油一斤以香澤煎之大銕鏹貯之安病

從口出飲油人專守視之并石灰一裹見癰出以灰粉手捉癰抽出須臾抽盡即是髮也滿

京三稜義朮醋用自然銅

米醋炒一錢辰砂沉香煨八冰片五分蘆薈天竺黃

雄猪胆汁丸如桐子大每服七八分諸蟲皆效阿魏全蝎鐵花粉用

治食索粉積方用紫蘇煎濃汁加杏仁泥服之即散

易簡紅丸破癰消癰

蓬朮三稜橘皮青皮胡椒乾薑阿魏

六十九薑湯下又小兒脾胃之症極有神效

大七氣湯 治一切癰瘰

三棱

莪朮略煨 青皮

陳皮去白 木香

藿香

肉桂

益智仁

甘草

各七錢五分

右咬咀每服五錢水二盞煎至一盞食前服

半硫圓丸方局

除積冷溫脾胃一切痼癖大便冷閉

硫黃

明淨好者研令極細用柳木鏈子研過

半夏湯洗七次

右等分以生薑自然汁同熬入乾蒸餅末攪和勻入臼

內杵數百下丸如桐子大每服空心溫酒或生薑湯下十五丸至二十丸婦人醋湯下

髮癰飲油方

夏子奇病方

雄黃

半兩

右為末水調服之蟲自出

食髮成瘡方

猪脂二升酒三升

右以水煮三沸溫服日三

酒驚氣驚血驚方

直指方

治平時嗜酒血入於酒為酒驚任氣血凝於氣為氣驚虛勞錮冷敗血雜痰為

血驚或附脇背或隱腸腹須急治之

生硫黃末

以老酒調下時時服之

此味人多畏之不敢輕服其實性甚和緩目觀有人服數斤全無所害惟肌膚色黃而已

蛇癰方

千金翼

白馬尾切細酒服初服五分一匕次服三分一匕更服二分一匕不可頓服殺人

蛟龍病方

唐明皇雜錄云有黃門奉使交廣回太醫周顧曰此人腹中有蛟龍上驚問對曰臣馳馬大庾嶺執困

且渴遂飲澗水竟腹中堅痞如石周遂以石硝雄黃煮服之立吐一物長數寸大如指視之鱗甲皆具

此疾遂愈

蛇瘡危氏方治面光發熱如火灸蒜汁一盃飲之吐出如蛇即愈

腹內蛇瘡方陽

誤食菜中蛇精成蛇瘡或食蛇肉成瘡腹中常飢食物即吐以赤足蜈蚣一條炙研末酒服

血瘡方氏

驚甲 大黃 琥珀等分 右三味作散酒服二錢少時惡血即下若婦人小腸中血下盡即

休服也

虱瘡 喜食血 用極舊木梳煨灰服

婦人狐瘡方外因月水來或悲或驚或逢疾風暴雨被濕致成狐瘡精神恍惚令人月水不通胸脇腰背

痛引陰中小便難嗜食欲吐如有孕狀其瘡手足成形者殺人未成者可治

用新鼠一枚以新絮裹之黃泥固住入地坑中桑薪燒其上一日夜取出去絮入桂心末六銖為末酒

服方寸匕不過一二服當自下

瓜蒂散金匱 大承氣湯 小承氣湯 調胃承氣湯以上四方見傷寒保和丸丹溪枳朮丸潔古 皂礬平胃散

感應丸上四方見通治 阿魏撞氣丸方見蛇含石丸即高餘糧丸見臘服

蟲附狐惑

靈樞

上膈篇蟲為下膈其詳備載

蟲瘡蛟虻 厥病篇腸中有蟲瘡及蛟蛇皆不可取以小針心腸痛懷作痛腫聚往來上下行動有休止

腹熱喜渴涎出者是蛟蛇也以手聚按而堅持之無令得移以大針刺之久持之蟲不動乃出針也

全匱

蛇蟲之為病。令人吐涎心痛。發作有時。毒藥不止。蛇厥者。當吐蛇。令病者靜而復時。煩此為臟寒。蛇上入膈。故煩。須臾復止。得食而嘔。又煩者。蛇聞食臭。其人當自吐蛇。狐惑之為病。狀如傷寒。默默欲眠。目不得閉。卧起不安。蝕於喉為惑。蝕於陰為狐。不欲飲食。惡聞食臭。其面目乍赤乍黑乍白。此皆傷寒餘毒所結。濕熱生蟲。

病源

九蟲者。一曰伏蟲。長四分。二曰蛇蟲。長一尺。三曰白蟲。長一寸。四曰肉蟲。狀如爛杏。五曰肺蟲。狀如蠶。六曰胃蟲。狀如蝦蟆。七曰弱蟲。狀如瓜瓣。八曰赤蟲。狀如生肉。九曰蟻蟲。至細微。形如菜蟲。伏蟲羣蟲之主也。蛇蟲貫心。則殺人。白蟲相生。子孫轉大。長至四五尺。亦能殺人。肉蟲令人煩滿。肺蟲令人咳嗽。胃蟲令人嘔逆。吐喜噦。弱蟲又名膈蟲。令人多唾。赤蟲令人腸鳴。蟻蟲居腸。多則為痔。極則為癰。因人瘡處。以生諸癰疽。癰痿病。疥癬蟲。無所不為人。亦不必盡有。有亦不必盡多。或偏無者。此諸蟲依腸胃之間。若腑臟氣實。則不為害。若虛。則能侵蝕。隨其蟲之動。而能變成諸患也。凡蟲毒有數種。皆是變感之氣。人有故造作之。多取蟲蛇之類。以器皿盛貯。任其自相噉擊。惟有一物獨在者。即為之蟲。便能變感。隨逐酒食。為人患禍。患禍於他。則蟲主吉利。所以不羈之徒。畜事之齒隱。是蟲食齒至齟齬。爛汁臭如屯之收。故謂之齒隱。

蟲方

甘草粉蜜湯

蛇蟲之為病。令人吐涎心痛。發作有時。毒藥不止。此湯主之。

甘草二兩 粉一兩 蜜四兩

右以水三升。煮甘草取二升。去滓。納粉蜜攪令相煎如薄粥。溫服一升。

瘥即止

烏梅丸 治病者靜而時煩因臟寒虵上入其腸為虵厥當吐虵

烏梅三百黃連一斤黃柏六兩乾薑十兩附子六枚蜀椒四兩桂枝六兩細辛六兩人參六兩

當歸四兩 右十味異搗篩合治之以苦酒漬烏梅一宿去核蒸之五升米下飯熟搗成泥和藥令

相得納臼中與蜜杵二千下丸如梧桐子大先食飲服十丸日三服稍加至二十丸禁生冷滑物臭食

療虵蟲攻心腹痛金針 用石榴根搗取汁平旦服亦可水煎

療蟲蝕下部金針 胡粉 雄黃 右二味各等分為末著穀道中亦治小兒

療傷寒慮病針 取生雞子小頭叩出白入漆一合熟和攪令極調當沫出更納著殼中仰吞之食頃或

半日乃吐下蟲劇者再服蟲盡熱除病愈

追蟲丸治一切蟲積

黑牽牛取頭末檳榔各八兩雷丸醋炙南木香各二兩茵陳二兩大皂角 苦楝皮各一 右煎濃汁

水為丸菜豆大大人每服四錢小兒三錢或二錢或一錢半量人虛實用砂糖水吞下待追去惡毒蟲

積二三次方以粥補之按濃煎汁水為丸原本如此必有誤字竟將水泛丸可也

下蟲丸 追蟲取積

苦楝皮根皮為上樹面次之去面上粗皮 右為末麵糊丸彈子大如欲服藥宜戒午飯哺時預食油煎雞卵餅一

二個待上床時白滾湯化下一丸至五更取下異蟲為效

療寸白蟲

榧子 檳榔 蕪荑各等分 右為末每二錢溫酒調服先喫燒牛肉脯後服食水瀉永除

又方 榧子四十九枚以月上旬平旦空心服七枚日服盡蟲消成水永瘥又云食實七枚七日滿蟲化為

水

瘡濕匿蟲千金翼

此症多是熱病後或久下不止或有客熱結在腹中或遇暑濕涼氣者多生此病亦
有燥患不甚洩利而下部瘡癢不問燥濕久則殺人為病診齒無色舌上盡白甚者滿口有瘡四肢沉
重喜眠如此者為蟲下食其肛肛爛盡見五臟即死矣

黃連

生薑切各兩艾葉八兩苦參四兩 右四味咬咀以水一升煮取三升為三服日三

療蛔蟲 病由勞熱傷心有蟲名蛔蟲長一尺貫心則死

雷丸熬

橘皮 桃仁各五狼牙六分貫眾三枚無薤 青箱子

乾漆熱各四分亂髮如雞子燒

殭蠶二十枚熬

右十味搗篩蜜丸以飲及酒空腹服二七九日再服

療百蟲方外臺

石榴皮

東引者一握去瘡皮檳榔七枚

右以水二升煎減半頓服欲服時先嚼鹿脯咽汁即進之每月一二

三日喫藥必瘥以蟲頭向上月三五以後不效以蟲頭向下也服藥前一日莫食其蟲喫藥之後或痢

出或內消皆瘥忌食生膾白酒諸冷物一月餘

鶴虱散外臺

療蛔蟲心痛 鶴虱二分末溫酢一盞和服之蟲當出

胡粉丸外臺

療心痛不可忍似蛔蟲者

生胡麻

一合 胡粉半合 熬搗

右二味先以猪肉脯一斤空腹啖咽汁勿咽肉後取胡粉和胡麻搜作丸

以少清酒使成頓服盡十歲以上增減忌生冷猪血魚雞蒜醋等七日若是蛔蟲吐水者是也

甘草瀉心湯治狐惑之為病狀如傷寒默默欲眠目不閉卧起不安蝕於喉為惑蝕於陰為狐不欲

飲食惡聞食臭其面目乍赤乍黑乍白蝕於上部則聲喝此湯主之蝕於下部則咽乾苦參湯洗之蝕

於肝者雄黃薰之

甘草四兩黃芩

人參

乾薑各三兩

黃連一兩

大棗十二枚

半夏半升

右七味水一斗煮取六

升去滓再煎溫服一升日三服

苦參湯金

苦參一升水一斗煎取七升去渣薰洗日三

雄黃金

雄黃一味為末筒瓦二枚合之燒向肝薰之

赤小豆當歸散金

病者脈數無熱微煩默默但欲卧汗出初得之三四日目赤如鳩眼七八日目四眦

黑若能食者膿已成也此湯主之

赤小豆

三升浸令芽出乾

當歸 右二味杵為散漿水服方寸匕日三服

療心痛欲死外臺

濃搗地黃汁和麵作冷淘不用鹽服一頓蟲即出

蕪荑散 治蟲咬心痛欲驗之大痛不可忍或吐青黃綠水涎沫或吐蟲發有休止

蕪荑

雷丸

各半兩

乾漆碎研炒烟

右共為末每服三錢調和服

諸痛頭心胃腰腹

靈素

靈終始篇病痛者陰也痛而以手按之不得者陰也

素舉痛論視其五色黃赤為熱白為寒青黑為痛調經論實有外堅充滿不可按之按之則痛虛者聶

辟氣不足按之則氣足以溫之故快然而不痛陰陽應象大論氣傷痛形氣腫故先痛而後腫者氣傷

形也先腫而後痛者形傷氣也痺論痛者寒氣多也有寒故痛也

頭痛

靈素

靈經脈篇足太陽膀胱脈動則病衝頭痛目似脫項如拔脊痛腰似折髀不可以曲腦如結踣如裂是為
蹠厥督脈之別名曰長強挾脊上項散頭上下當肩胛左右別走太陽入貫脊實則脊強虛則頭重
足少陽膽脈是主骨所生病者頭痛領痛厥病篇真頭痛頭痛甚腦盡痛手足寒至節死不治
素奇病論帝曰人有病頭痛以數歲不已此安得之名為何病岐伯曰當有所犯大寒內至骨髓髓者以
腦為主腦逆故令頭痛齒亦痛病名曰厥逆

病源

風痰風厥頭痛風痰相結上衝於頭即令頭痛數歲不已即連腦痛手足寒至節即死真頭痛亦必有痰

千金

卒頭痛頭痛如破非中冷又非中風是胸膈中痰厥氣上衝名為厥頭痛吐之即差

頭痛方

頭痛方千金葶藶子搗末以湯淋取汁洗頭良又方千金吳茱萸三升以水五升煮取三升以綿

拭髮根良

厥頭痛吐方外臺治痰厥頭痛

但單煮茗作飲二三升許須臾適吐吐畢又飲能如是數過劇者須吐膽汁乃止不損人

石膏散鑑

川芎

石膏白芷各等右為末每服四錢熱茶清調下此治風火頭痛之方

透頂散本事治偏正頭風夾腦風并一切頭風不問遠年近日

細辛三莖 瓜蒂七分 丁香三粒 糯米七粒 腦子 麝香各一黑 右將腦麝研細將前四味另研

細然後合研令勻封好患人在左右搐一大豆許良久出涎一升許即安

痛風餅子聖惠

五倍子 全蠍 土狗各八分 右為末醋丸作如錢大餅子發時再用醋潤透頂太陽穴上灸

熱貼之仍用帕子縛之吸濃茶睡覺自愈

止痛太陽丹奇效

天南星 川芎等分 右為末同蓮鬚葱白搗爛作餅貼太陽痛處

氣攻頭痛方奇效

草麻子 乳香等分 右搗爛作餅貼太陽穴上如痛止急去頂上解開頭髮出氣即去藥

治頭痛方奇效

用大蒜一顆去皮研取汁令病人仰臥以銅筋點少許滴鼻中急令搐入腦眼中淚出差

玉液湯濟生 治眉稜骨痛

半夏六錢泡湯七次切片作一服加生薑十片水煎去渣納沉香末少許服

麝犀湯濟生 治暗頭風旋眼黑昏眩倦急痰涎壅塞骨節痠痛

羚羊角屑 旋覆花 紫苑 石膏 甘草炙各一兩 細辛半兩 前胡七錢 犀角屑二錢

右藥每服三錢加生薑三片大棗一枚水煎服

祕方貼頭風熱病

大黃 朴硝等分 右為末用井底泥捏作餅貼兩太陽穴頭風皆屬寒此獨為熱不可不備

清震湯命治頭面疔瘡憎寒拘急發熱狀如傷寒頭雷

升麻錢各四蒼朮錢各四荷葉全者水煎食後服楊梅毒入頭亦有此病當用治毒之方治之

治頭內如蟲蛙響此名天白蟻用茶子末吹鼻中此奇病不可不知

玉真圓方本治腎氣不足氣逆上行頭痛不可忍謂之腎厥其脈舉之則弦按之則石堅

硫黃二兩石膏煨通赤研半夏湯洗硝石五錢右為細末研勻生薑汁糊丸如梧子大陰乾每服二

十丸或薑湯或米飲下更交關元穴百壯

茶調散治諸風上攻頭目昏重偏正頭痛鼻塞身重及婦人血風攻症太陽穴疼

白芷甘草羌活各二荆芥去梗川芎各四細辛去蘆防風半薄荷葉不右為細末

每服二錢食後茶清調下常服清頭目

頭風摩散方見風門頭風有偏正之殊其病皆在少陽陽明之絡以毫針刺痛處數穴立效其外有瘡毒入頭名楊梅頭痛此乃外科之症另有治法

心胃痛

靈樞

厥病篇厥心痛與背相控善癢如從後觸其心偃倭者腎心痛也厥心痛痛如以錐鍼刺其心心痛甚者脾心痛也厥心痛色蒼蒼如死狀終日不得太息肺心痛也厥心痛卧若徒居心痛間動作痛益甚色不變肺心痛也真心痛手足清至節心痛甚旦發夕死夕發旦死

千金

胸痺令人心口堅痞急痛肌中苦痺絞痛如刺不能俯仰胸前皮皆痛手不得犯短氣咳唾引痛咽塞痰燥時欲嘔吐煩悶自汗出或引背痛不治數日死

外臺

九種心痛 一蟲 二注 三氣 四悸 五食 六飲 七冷 八熱 九去來痛

惡注心痛 中惡心痛 心腹絞刺 奮奮欲絕

治法以稀飲降氣為主凡病竟有時代之不同如近三十年中咳嗽吐血者十人而五余少時此病絕少亦不可解也

心胃痛方

桔萸薤白白酒湯金 胸痹之病喘息咳唾脅背痛短氣寸口脈沉而遲關上小緊數此湯主之

桔萸一枚 薤白半斤 白酒七升 右三味同煮取三升分溫再服

桔萸薤半夏湯金 胸痹不得卧心痛徹背者此湯主之即前方加半夏半斤

枳實薤桂枝湯金 胸痹心中痞氣氣結在胸胸滿脇下逆搶心此湯主之人參湯亦主之

枳實四枚 厚朴四兩 薤白半斤 桂枝一兩 桔萸一枚 右五味以水五升先煮枳實厚朴取二升去

渣納諸藥者數沸分溫三服

人參湯金 理中湯

茯苓杏仁甘草湯金 胸痹胸中氣塞短氣此湯主之橘枳薑湯亦主之

茯苓三兩 杏仁五十枚 甘草一兩 右三味以水一斗煮取五升溫服一升日三不差更服

橘皮枳實生薑湯金

橘皮一升 枳實三兩 生薑半斤 右三味以水五升煮取二升分溫再服

薤白仁附子散金 胸痹緩急者此主之

薤白仁耐 附子耐 大附子耐 右二味杵為散服方寸匕日三服

桂枝生薑枳實湯心中痞諸逆心懸痛此湯主之

桂枝 生薑各三 枳實五枚 右三味以水六升煮取三升分溫三服

赤石脂丸心痛徹背者背痛徹心者此主之

蜀椒一兩 烏頭一分 附子半兩 乾薑一兩 赤脂一兩 右五味末之蜜丸如梧子大先食服一九日

三服不知再加此治大寒之症

九痛丸治九種心疾

附子三兩 狼牙一兩 巴豆一兩 去心人參 乾薑 茱萸各一 右六味末之煉蜜丸如梧

子大酒下強人初服三九日三服弱者二九 兼治卒中惡腹脹痛口不能言又治連年積冷流注心

胸痛并冷氣上衝落馬隊車血疾等皆主之忌口如常法

大建中湯心中大寒痛嘔不能飲食腹中寒上衝皮起出見有頭足上下痛不可觸近此主之

蜀椒二合 乾薑四兩 人參二兩 以水四升煮取二升去渣納膠飴一升微火煎取一升半分溫再

服如一炊頃可飲粥二升後更服當一日食糜溫覆之

療胸痹心痛方灸臍中百壯穴在鳩尾上一寸此灸神效百壯灸瘡愈再灸非一日滿百壯也

熨背法治胸痹心背疼痛氣悶

烏頭 細辛 附子 羌活 蜀椒 桂心各一 川芎一兩三錢半 右共為散以少醋拌

綿裹微火炙令燥以熨背上

療心痛方生油半合溫服瘳此乃治蟲痛之方

海蛤丸治痰飲心痛

海蛤燒灰為末過數日火毒散用 瓜蒌仁研 右以海蛤入瓜蒌內乾濕得所為丸每服五十丸

失笑散治婦人心痛氣刺不可忍

五靈脂蒲黃等分 每用二錢醋熬膏入水煎服此方治瘀血犯心

鶴龜散外臺胡粉丸 療心痛如蟲啗方外臺燕薹散俱見上方 平胃散見通治 半夏瀉心湯見腸

腰痛

靈樞

經脈篇肝足厥陰也是動則病腰痛不可以俯仰 終始篇刺諸痛者其脈皆實從腰以上者手太陰陽明皆主之從腰以下者足太陰陽明皆主之病在腰者取之腰

病源

腎主腰脚腎經虛損風冷乘之故腰痛也又邪客於足少陰之絡令人腰痛引小腹不可以仰息診其尺脈沉主腰背痛尺寸俱浮直下此為腎脈腰強痛

風濕腰痛 勞傷腎氣經絡既虛或因臥濕當風風寒乘虛搏於腎腎經與血氣相擊而腰痛

腎著腰痛 腎主腰脚腎經虛則受風冷內有積水風水相搏浸積於腎腎氣內著不能宣通故令腰痛其痛狀身重腰冷腹重如帶五千錢如坐於水形狀如水不渴小便自利飲食如故久久變為水病腎濕

故也

背倭 肝主筋而藏血血為陰氣為陽陽氣精則養神柔則養筋陰陽和同則血氣調適其相榮養也邪

不能傷若虛則受風風寒搏於脊脊之筋冷則攣急故令背倭

脇痛 邪氣客於足少陽之絡令人脇痛欬汗出陰氣擊於肝寒氣客於脈中則血泣脈急引脇與小腹

診其脈弦而急。脇下如刀刺狀如飛尸。至困不死。不屬足厥陰

腰痛方

甘薑苓朮湯腎著之病。其人身體重。腰中冷。如坐水中。形如水狀。反不渴。小便自利。飲食如故。病屬下焦。身勞汗出。衣裏冷濕。久久得之。腰以下冷痛。腹重如帶。五千錢。

甘草

白朮各二兩 乾薑

茯苓各四兩

右四味以水五升。煮取三升。分溫三服。腰中即溫。

青娥丸治腎虛為風冷所乘。或處濕地。或墜墮傷損。或因風寒。皆令腰間似有物垂墜也。悉主之。

胡桃二十個。去殼皮。破故紙。酒炒。六兩。杜仲。薑汁炒。十六兩。

右共為末。丸如桐子大。溫酒下。婦人淡醋湯下。三十九。

加味小柴胡湯治傷寒脇痛。

柴胡二錢

半夏一錢

黃芩二錢

人參一錢

牡蠣粉一錢

枳殼一錢

甘草一錢

右作一服。加薑五片。

紅棗二枚煎服

摩腰膏治老人腰痛。婦人白帶。

附子尖

烏頭尖

南星各二錢

硃砂

雄黃

樟腦

丁香各一錢

乾薑一錢

麝香大者

右共為末。蜜丸。龍眼大。每一丸。用生薑汁化開。如厚粥。火上烘乾。放掌上。摩腰中。候藥盡。貼腰上。即烘。

烘綿衣縛定。腰熱如火。間二日。用一丸。此法近有人專用。此治形體之病。凡虛人老人。頗有效驗。其術品。摩虛損及老人。更妙。又。一法。以麻油黃蠟。為丸。如胡桃大。烘熱。摩腰上。候腰上熱。然後紫好。一丸可用數十次。腹中痛亦可摩。

療腰痛方

杜仲

肉蓯蓉

破故紙

人參

當歸

秋石

川巴戟

鹿角霜

各等

右

為末用猪腰子一個洗淨淡鹽湯泡過劈開兩邊中間勿斷細花開用前藥滲入另用柿絹一塊包裹綿絮外用小罐入酒少許紙封毋令走泄藥氣煮熟取食之飲醕酒三杯立愈

又方

奇胡桃肉

補骨脂

杜仲各四兩

右作二貼每貼用水二盞煎服

虞茸丸

本治腎虛腰痛

虞茸

一兩鹿角亦可兔絲子末一兩舶上茴香半兩

右為末用羊腎一對酒煮爛去膜研和九桐子大如

羊腎少入酒糊佐之每服三五十丸溫酒或鹽湯下

藥碁子

本方

治腰腿痛氣滯

牽牛不拘多少用新瓦入火煨得通紅便將牽牛頓在瓦上自然半生半熟不得撥動取末一兩入細研硫黃一錢同研勻分三分每用白麵一匙水和捍開切作碁子大五更初以水一盞煮熟連湯溫送下如住即已未住隔日再作予嘗有此疾每發止一服痛止

二神丸

本方

左金丸阻見通治按腰痛屬虛者固多而因風寒痰濕氣

腹痛

金匱

跌陽脈微弦法當腹滿不滿者必便難兩胠疼痛此虛寒從下上也當以溫藥服之病者腹滿按之不痛為虛痛者為實可下之舌黃者下之黃自去腹滿時減復如故此為寒當與溫藥夫中寒家喜欠其人清涕出發熱色和者善噦中寒其人下痢以裏虛也欲噦不能此人肚中寒夫瘦人繞臍痛必有風冷穀氣不行而反下之其氣必衝不衝者心下則痞

傷寒論

病人不大便五六日繞臍痛煩躁發作有時者此有燥屎故使不大便也 太陰之為病腹滿而吐食不下自利甚時腹自痛若下之必胸中結鞭 傷寒五六日腹中痛若轉氣不趣少腹者此欲自利也

腹痛方

厚朴七物湯金匱 病腹滿發熱十日脈浮而數飲食如故此湯主之

厚朴半斤 甘草 大黃各三大棗十枚 枳實五枚 桂枝二兩 生薑五兩 右七味以水一斗煮取

四升溫服八合日三服嘔者加半夏五合下利去大黃寒多者加生薑至半斤

附子粳米湯金匱 腹中寒氣雷鳴切痛胸脇逆滿嘔吐此湯主之

附子一枚 半夏半升 甘草一兩 大棗十枚 粳米半升 右五味以水八升煮米熟湯成去滓溫服一

升日三服

蒸臍法 亦可隨病所在蒸之外科寒症亦能蒸散

丁香 木香 半夏 南星 川烏 歸身 肉桂 麝香 冰片 乳香

大黃 硝 山甲 雄黃 蟾蜍 白寇 右粗末放麵圈內上用銅皮一片多鑽細

眼用艾火灸銅皮上每日十餘火滿三百六十火病除藥味亦可因症加減其藥用燒酒薑汁等拌濕

厚朴三物湯金匱 痛而閉者此湯主之

厚朴八兩 大黃四兩 枳實五枚 右三味以水一斗二升先煮二味取五升納大黃煮取三升溫服

一服以痢為度

大黃附子湯金匱 脇下偏痛發熱其脈緊弦此寒也以溫藥下之宜此湯

大黃三兩 附子三枚 細辛二兩 以水五升煮取二升分溫三服強人煮取二升半分溫三服服後

如人行四五里進一服

黃連湯

嘔

小建中湯

虛

桂枝加大黃湯

大柴胡湯

小柴胡湯

大承氣湯

桂枝加芍藥湯

理中湯

四逆湯

以上俱傷寒蘇合丸治通

腳氣

附轉

千金

諸經方有脚氣之論。古人少有此疾。脚氣之名金匱已載但患者少耳自永嘉南渡衣纓士人多有遭者。有支法存仰道

人等並留意經方。偏善斯術。多獲全濟。又宋齊之間。釋門深師述二公等諸家舊方。為二十卷。其脚弱一

方。近百餘首。魏周之代。蓋無此病。所以姚公集驗。殊不殷勤。徐王撰錄。未以為意。特以三方鼎峙。風教未

一。霜露不均。寒暑不等。關西河北。不識此疾。自聖唐開闢。無外南極之地。作鎮於彼。往往皆遭。近來中國

士大夫。亦有患者。良由今代風氣混同所致耳。此病先從脚起。因即脛腫。時人號為脚氣。深師云。脚弱者

即其義也。問風毒中人。隨處皆得作病。何偏著於脚。答曰。人有五臟。心脈經絡所起在手十指。餘三臟

經絡所起在足十趾。地之寒暑風濕。皆作蒸氣。足常履之。所以風毒之中人。必先中脚。久而不瘥。偏及四

肢。腹背頭項。經云。次傳間傳是也。凡脚氣皆感風毒所致。治脚氣必兼風此乃要訣人多不即覺會。因他病一度始發

或奄然大悶。經兩三日。乃覺庸醫不識。作餘病治。莫不盡斃。始起甚微。飲食如故。惟卒起脚屈。弱不能動

為異耳。黃帝云。緩風濕痺是也。有脚氣未覺。而頭項臂膊已有所苦。諸處未知。而心腹五內已有所困

或嘔食臭。腹痛下痢。二便不通。衝悸不欲見光。精神昏憤。迷忘錯亂。壯熱頭痛。身體酷冷。疼痛轉筋。頑痺

緩縱。百節攣急。小腹不仁等症。皆脚氣狀貌也。亦云風毒脚氣之候。婦人亦爾。又有產後取涼。多中此毒

其熱悶掣。痙驚悸。心煩嘔吐氣上。皆其候也。又但覺臍下冷瘡。幅幅然不快。小便淋瀝。即是其候。頑弱名

緩風疼痛為濕痺。熱者治以冷藥，冷者療以熱藥，以意消息之。諸病皆然。心下急氣喘不停，自汗脈促嘔吐不止者死。凡脚氣皆由氣實而死，終無一人服藥致虛而殂，故不得大補，亦不可大瀉。凡治脚大脚氣其人黑瘦者易治，肥大肉厚赤白者難治。瘦人肉硬，肥人肉軟也。外証脚氣有腫者有不腫者，其小腹頑痺不仁者，脚多不腫，小腹頑後不過三五日，即令人嘔吐，名脚氣入心。如此者難治，以腎水剋心火也。初得脚弱，便速灸之。服竹瀝湯，灸訖服八風散，無不瘥者。若但灸不服藥，但服藥不灸，後必更發。

脚氣當灸之穴

初灸風市 次伏兔 次犢鼻 次膝兩眼 次三里 次上廉 次下廉 次絕骨

病源

脚氣疼不仁 由風濕毒氣與血氣相搏，故疼邪在膚腠，則血氣澀而皮膚厚，搔之如隔衣，故不仁。

脚氣痺攣

風毒搏於經，風濕乘於血，故令攣痺也。

脚氣心腹脹急 風濕毒氣從脚上入於內，與臟氣相搏，結聚不散，故心腹脹急。

脚氣腫滿 由風濕毒氣搏於腎經，則腎氣不能宣通，水液使傳於小腸，反漬於皮膚，故腫滿也。

脚氣驚悸 由溫濕挾風毒，初客膚腠，後經腑臟與神氣相搏，則心驚悸也。

脚氣轉筋 靈樞四時氣篇：轉筋於陽，治其陽；轉筋於陰，治其陰。本輸篇：轉筋者，立而取之，可令遂已。

脚氣方

礬石湯金匱 治脚氣衝心

礬石二兩以漿水一斗五升煎浸脚良

第一竹瀝湯針 治兩脚痺弱，或轉筋，皮肉不仁，腹脹起如腫，按之不陷，心中惡不欲食，或患冷方。

竹瀝五升甘草

秦光

葛根

黃芩

麻黃

防已

細辛

桂心

乾薑兩防風

升麻兩

茯苓

附子

杏仁

右十五味

以水七升

合竹瀝煮取

三升分三服取汗

此脚氣主方多治風之藥

烏麻酒針

治風虛氣滿脚疼痺攣弱不能行

烏麻五升

微熬搗酒漬一宿隨所能飲之盡更作

茱萸木瓜湯

治脚氣衝心悶亂不識人手足厥欲絕

吳茱萸

半兩木瓜

一兩

生薑五片

水煎服

蘇子粥

養老書

治老人脚氣毒悶身體不仁行履不能

紫蘇子

五合熬研細以水投取汁粳米四合淨洗淘

右煮作粥臨熟下蘇汁調之空心食之日一服亦溫中

杉木湯

本事

唐柳柳州云元和十二年二月得脚氣夜半瘡絕脇有塊大如石且死困塞不知人三日

榮陽鄭洵美進杉木湯服半日食頃大小便三次氣通塊散

用杉木節一大升橘葉一升無葉以皮

代之大腹櫟柳七個合子碎之童子小便三大升共煮一升半分二服若一服得快痢停後服

櫟柳散

活人書

治脚腫

橘葉

大握

沙木

一握

小便

一盞

酒

半盞同上藥煎

右煎數沸

調櫟柳末

二錢

食後服

即前方變法

木瓜散

活人書

治脚氣

大腹皮

一枚

紫蘇

一分

乾木瓜

一分

甘草

一分

木香

一分

羌活

一分

右細剉為散分作三服每用

白水一盞煎至半盞去滓通口服

雞屎白散

轉筋之為病其人臂脚直脈上下行微弦轉筋入腹者

雞屎白一味為散取方寸匕以水六合和溫服

療轉筋方外臺以鹽一升水一升半作湯洗漬良

延效療轉筋外臺并治渾身轉筋煖水稍熱於浴斛中坐浸須臾便差如湯沃雪

轉筋灸法外臺轉筋在兩臂及胸脇者灸手掌白肉際七壯在十指者灸手踝骨上七壯在脛骨者

灸膝下廉筋上三壯又法灸湧泉七壯亦可灸大都七壯穴在足大姆指本節內側白肉際腹腸轉筋者灸臍上一

寸十四壯

烏頭湯觀風麻豆湯觀水大活絡丹 崔氏八味丸即腎氣丸俱見通治

蘭臺軌範卷六終

蘭臺軌範

卷六 腳氣

蘭臺軌範卷七

吳江徐靈胎洞溪著

疫癘見症

素問

遺篇刺法論黃帝曰余聞五疫之至皆相染易無間大小病狀相似不施救療如何可得不相移易者岐伯曰不相染者正氣存內邪不可干避其毒氣天札從來地之氣故曰天札從來天北氣從天來復得其性氣出於腦即不邪干氣出於腦即先想心如日欲將入於疫室先想青氣自肝而出左行於東化作林木次想白氣自肺而出右行於西化作戈甲次想赤氣自心而出南行於上化作焰明次想黑氣自腎而出北行於下化作水次想黃氣自脾而出存於中央化作土五氣護身已畢以想頭上如北斗之煌煌然後可入於疫室又一法於春分之日未出而吐之又一法於雨水日後三浴以藥泄汗

病源

一歲之內節氣不和寒暑乖候或有暴風疾雨霧露不散則民多疾疫無長少卒皆相似如有鬼厲故云疫癘

中惡 精神衰弱為鬼神之氣卒中卒然心腹刺痛悶亂欲死凡卒中惡腹大而滿者診其脈緊大而浮者死緊細而浮者生又中惡吐血數升脈沉數細者死浮者如疾者生脈大段如此亦不可泥卒然吐血多者多係中惡莫作治血

尸厥 陰陽逆也其狀如死猶微有息而不恒脈尚動而形無知也脈沉大而滑身溫而汗此為入腑氣復自愈若唇青身冷此為入臟即死

鬼擊 謂鬼厲之氣擊者於人也得之無漸如人以刀矛持刺狀胸脇腹內絞急切痛不可抑按或吐血或鼻中出血或下血一名為鬼排重者死

卒魔 魂魄外遊為他邪所執欲還未得忌火照之照則神魂遂不復入乃死若在燈光前魔者是本由明出不忌火

三尸諸蟲 其蟲與人俱生而此蟲忌血能與鬼靈相通常接引外邪為人患害其發作之狀或沉沉默默不知所苦而無處不惡或腹痛脹急或碑塊踊起或攀引腰脊或精神雜錯變狀多端其病大同小異但以一方治之者故名諸尸也

尸注 是五尸內之尸注而披外鬼邪之氣流注身體令人無處不惡每節氣改變輒至大惡積月累年漸就頻滯以至於死死後復易旁人乃至滅門以其尸病注易旁人故謂尸注

喪尸 人有年命衰弱至於喪死之處心意有所畏惡其身內尸蟲性既忌惡便更接引外邪共為疾病其發亦心腹刺痛脹滿氣急但逢喪處其病則發故謂之喪尸

尸氣 人有觸值死尸或臨尸其尸氣入腹內與尸蟲相接成病其發亦心腹刺痛脹滿氣急但聞尸氣則發故謂之尸氣

諸注 謂邪氣居住人身內故名為注又注易旁人也乃有三十六種九十九種而方皆不顯其名所載有風鬼轉生死邪氣寒熱冷蠱毒惡忤遁走溫喪哭殃食水骨血溫痺勞微泄石產土飲以上諸注皆正氣虛而邪氣傳綿也與諸尸病相近

又有九種注

一曰風注

二曰寒注

三曰氣注

四曰生注

五曰涼注

六曰酒注

七曰食注

八曰水注 九曰尸注

疫癘方

小金丹方時

辰砂二兩 水磨雄黃一兩 叶子雌黃一兩 紫金半兩
藥研之可為細末

地實不用爐不須藥制用火二十斤煨之也七日終常令火不絕候冷七日取次日出合子合子即磁取出

順日研之謂左旋三日煉白沙蜜為丸如梧子大每日望東吸日華氣一口水水下一丸和氣咽之

服十粒無疫干也

還魂湯金匱 救卒死客忤死

麻黃三兩去節 杏仁七十個 甘草一兩炙 右三味水八升煮取三升去渣分令咽之通治諸

感忤千金方云此方主卒忤鬼擊飛尸諸奄奄奄氣絕復覺或已無脉口噤拘不開去蓋下湯湯入口

不下者分病人髮左右足踏肩引之藥下復增取一升須臾立甦

又方

韭根一把 烏梅仁七 吳茱萸半升 右三味以水一斗煮之以病人櫛內中三沸擲浮者主沉者死

煮取三升去滓分飲之

外臺走馬湯金匱 治中惡心痛腹脹大便不通并通治飛尸鬼擊

巴豆二枚去心 杏仁二枚 右二味以綿纏槌令碎熱湯二合捻取自然汁飲之當下老少量之

雄黃粉千金 治卒中鬼擊及刀兵所傷血漏腹中不出煩滿欲絕雄黃一味為粉以酒服一刀圭日三

血化為水

治瘟方外臺 瘟疫轉相染著至滅門延及外人無收視者

赤小豆 鬼箭羽 鬼白 雄黃研 丹砂略二 右五味搗末蜜丸如小豆大服一丸可

與病人同牀

辟瘟殺鬼丸外臺

虎頭骨五兩 硃砂一兩 鬼白一兩 雄黃半兩 皂莢一兩 雌黃半兩 蘇合一兩 右七味搗篩以蠟蜜

和彈丸大絳囊盛繫臂男左女右家中置屋四角月朔望夜半中庭燒一丸忌生血物

八毒赤丸鑑 治鬼症病

雄黃 礬石 硃砂 附子泡 藜蘆 丹皮 巴豆略 蜈蚣一條 為末蜜丸小

豆大每服五七丸冷水送下無時礬石或作礬石

紫金錠 蘇合丸二方俱見通治

諸痘附黃汗

素問

平人氣象論 溺黃赤安臥者黃疸已食如饑者胃疸目黃者曰黃疸

金匱

跌陽脉緊而數數則為熱熱則消穀除則為寒食即為滿脈緊而數則有熱亦有寒故用 跌陽緊為傷脾風寒相搏食穀即眩穀氣不消胃中苦濕濁氣下流小便不通陰被其寒熱流膀胱身體盡黃名曰穀疸額上黑微汗出手足中熱薄暮即發膀胱急小便自利名曰女勞疸腹如水狀不治心中懊懣而熱不能食時欲吐名曰酒疸 夫病酒黃疸必小便不利其候心中熱足下熱是其證也 酒疸

心中熱欲吐者吐之愈。酒疸下之久久為黑疸。目青面黑。心中如噉蒜齏狀。大便正黑。皮膚爪之不仁。脉浮弱。雖黑微黃。故知之。黃家從濕得之。一身盡發熱。面黃。肚熱。熱在裏。當下之。黃疸之病。當以十八日為期。治之十日以上。瘥反劇。為難治。疸而渴者。其疸難治。疸而不渴者。其疸可治。發於陰部。其人必嘔。陽部。其人振寒而發熱也。黃汗之病。兩脰自冷。假令發熱。此屬歷節。食已汗出。又身常暮臥。盜汗出者。必榮氣也。若汗出已反發熱者。久久其身必甲錯。發熱不止者。必生惡瘡。若身重汗出已輒輕者。久久必身瞶。瞶即胸中痛。又從腰以下。必汗出。下無汗。腰髀弛痛。如有物在皮中狀。劇者不能食。身發痛。煩燥。小便不利。此為黃汗。

病源

黃病。黃病者。一身盡瘥。發熱。面色洞黃。七八日後。壯熱。口裏有血。當下之。法如純肝狀。其人少腹內急。若其人眼睛澀。鼻骨痠。兩脾及項強。腰背急。即是重黃。多大便澀。但令得小便快。即不慮死。不用大便多。多即心腹脹不存。此由寒濕在表。則熱蓄於脾胃。腠理不開。熱與宿穀相搏。煩鬱不消。則大小便不通。故身體面目皆變黃也。利小便為治黃總訣

急黃。脾黃有熱。穀氣鬱蒸。因之熱毒所加。故猝然發黃。心滿氣喘。命在頃刻。故云急黃也。

勞黃。脾臟中風。風與熱相搏。故令身體發黃。額上微黑。汗出于足中。熱薄暮發。膀胱急。四肢煩。小便不利。名為勞黃。

腦黃。熱邪在骨髓。腦為髓海。故熱氣從骨髓流入于腦。則身體發黃。頭痛。眉疼。

陰黃。陽氣伏。陰氣盛。熱毒加之。故但身面色黃。頭痛而不發熱。名為陰黃。

癖黃。氣水飲停滯。結聚成癖。因熱氣相搏。則鬱蒸不散。故脇下滿痛。而身發黃。名為癖黃。

噤黃 心脾有瘀熱。心主於舌。脾之絡脉出於舌下。若身面發黃。舌下大脉起青黑色。舌噤不能語。名為噤黃。

五色黃 凡人著五種黃。其人冥漠不知東西者。看其左手脉。名手肝脉。兩筋中其脉如有如無。又看右手屈肘前臂上。當有三歧脉。中央者名為手肝脉。兩脇者名歧脉。看時若肝脉全無。兩脇壞。其人九死一生。若中央脉近掌三指道。有如一絕。其人必不死。

酒疸 虛勞之人。飲酒多進穀少。則胃内生熱。因大醉當風入水。則身目發黃。心中懊痛。足脛滿。小便黃。面發赤斑。

穀疸 穀疸之狀。食畢頭眩。心忪悸。鬱不安而發黃。由失飢大食。胃氣衝熏所致。

女勞疸 其狀身目皆黃。發熱惡寒。小腹滿急。小便難。由大勞大熱。而交接即入水所致也。

黑疸 黑疸之狀。小腹滿。身體盡黃。額上反黑。足下熱。大便黑是也。諸疸久久多變為黑疸。

黃汗之為病。身體洪腫。發熱。汗出不渴。狀如風水。汗染衣。正黃如柏汁。其脉自沉。此由脾胃有熱。汗出而入水中浴。若水入汗孔中。得成黃汗也。

諸疸方

茵陳蒿湯金匱 穀疸之為病。寒熱不食。食即頭眩。心胸不安。久久發黃。為穀疸。此湯主之。

茵陳蒿大兩 梔子十四枚 大黃二兩 右三味以水一斗。先煮茵陳減六升。納二味煮取三升。去滓分

溫三服。小便當利。尿如皂角汁狀。色正赤。一宿腹減。黃從小便去也。

消石礬石散金匱 黃家日晡所發熱。而反惡寒。此為女勞。得之膀胱急。少腹滿。身盡黃。額上黑。足下熱。因

作黑疸。其腹脹如水狀。大便必黑。時溲。此女勞之病。非水也。腹滿者難治。此方主之。

消石

礬石燒等分

右二味為散以大麥粥汁和服方寸匕日三服病隨大小便去小便正黃大

便正黑是候也

梔子大黃湯金

酒黃疸心中懊懣或熱痛此方主之

梔子十四枚

大黃一兩

枳實五枚 豉一升

右四味以水六升煮取二升分溫三服

桂枝加黃耆湯金

諸病黃家但利其小便假令脈浮當以汗解之此方主之 亦主治黃汗

桂枝

芍藥

甘草各二兩

生薑三兩

大棗十二枚 黃耆二兩

右六味以水八升煮取三升溫服

一升須臾飲熱稀粥一升餘以助藥力溫覆取微汗不汗更服

猪膏髮煎金

諸黃主之

猪膏

半飡 亂髮如雞子大三枚

右二味和膏中煎之髮消藥成分再服病從小便出

茵陳五苓散金

黃疸主之

茵陳蒿末一錢

五苓散五分

右二味和先食飲方寸匕日三服

此利小便之法

大黃消石湯金

黃疸腹滿小便不利而赤自汗出此為表和裏實當下之

大黃

黃柏

硝石各四兩

梔子十五枚

右四味以水六升煮取二升去渣納硝更煮取一升頓

服黃疸覺臨滿者最

麻黃醇酒湯金

治黃疸

麻黃三兩

以美酒五升煮取二升半頓服盡冬月用酒春月用水

黃疸方金

治身目皆黃皮肉麴麴

茵陳

一把 梔子二十枚

石膏一觔

以水五升煮二升取二升半去渣以猛火燒石膏令赤投湯中沸定

服一升覆取汗周身以粉粉之不汗更服燒石膏之義其精妙

赤苓散千金主黑疸身皮大便皆黑

赤小豆枚三十茯苓切雄黃一銖瓜丁四銖女婁六銖甘草二銖以水三升煮豆茯苓取八合搗四

味為散和半錢服之須臾當吐則愈亦主一切黃

寒水石散千金主肉疸飲少小便多白如泔色此病得之從酒

寒水石 白石脂 括婁路五知母 兔絲子 桂心路三 搗篩為散麥粥服五分七日三服

五日知十日差此方不常用聊備一格

女勞疸千金治黃疸之為病日晡所發熱惡寒少腹急體黃額黑大便黑溲濁足下熱此為女勞也腹

滿者難療

滑石研 石膏研各五兩為散麥粥汁服方寸匕日三小便極利差

牛疸煎千金酒疸身黃麴塵出此主之

牛疸一枚大黃八兩芫花一升薤白半兩右三味以酒一升切三味漬之一宿煮減半去渣納牛

膽微火煎令可丸如豆大服一丸日移六七尺不知更服一丸膈上吐膈下利或不吐利而愈

救急三十種黃方千金用雞子一顆并殼燒灰研酢一合又溫之總和頓服身體眼暗極黃者不過三顆

鼻中蟲出神效

療黃疸方千金取生小麥苗搗絞取汁飲六七合晝夜三四飲三四日便愈無小麥苗穰麥苗亦得

近效瓜蒂散千金療黃疸

瓜蒂枚二十七赤小豆七枚生秫米枚二十七丁香枚二十七右四味搗篩重者取如大豆二枚各著一枚鼻孔

中痛縮鼻須更鼻中瀝清黃水或從口中出升餘則愈病輕者小豆大則可不愈間日復頻用或使人以竹筒極力吹算中無不死者嗅鼻出黃水唐以前即有此法或用束腰葫蘆內白膜研細加麝少許吹鼻亦能出水

麻黃連軀赤小豆湯論寒治傷寒瘀熱在裏身必發黃此主之

麻黃二兩連軀二兩赤小豆一升杏仁四十粒甘草二兩生梓白皮一升生薑二兩大棗十二枚右以

潦水一斗先煮麻黃去沫納諸藥煮取三升分溫三服此方治傷寒餘邪未盡之黃與諸證別

黃者芍藥桂枝苦酒湯金黃汗之為病身體腫發熱汗出而渴狀如風水汗沾衣色正黃如檗汁脉自

沉以汗出入水中浴水從汗孔入得之此湯主之

黃耆五兩芍藥三兩桂枝三兩右三味以苦酒一升水七升相和者取三升溫服一升當心煩服

至六七日乃解若心煩不止者以苦酒阻故也一方以美生醴代苦酒此病在表不在裏金匱等書發必中者何也蓋疸之重者有囊在腹中包裏黃水藥不能入非決破其囊或提其黃水出淨必不除根此等病當求屢試屢驗和平輕淡之單方治之專持古方竟有全然不應者

小建中湯治通瓜蒂湯治方見

情志臥夢

靈素

靈素

靈大惑論五臟六腑之精氣皆上注於目而為之精精之窠為眼骨之精為瞳子筋之精為黑眼血之精為絡其窠氣之精為白眼肌肉之精為約束裏撓筋骨血氣之精而與脉并為系上屬於腦後出於項中故邪中於項因逢其身之虛其入深則隨眼系以入於腦則腦轉腦轉則引目系急目系急則目眩以轉矣邪同其精其精所中不相比也則精散精散則視歧視歧是兩物目者五臟六腑之精也榮衛魂魄之所常榮神氣之所生也故神勞則魂魄散志意亂是故瞳子黑眼法於陰白眼赤脈法於陽也故陰陽合

傳而精明也。目者心使也。心者神之舍也。故精神亂而不轉。卒然見非常處。精神魂魄散不相得。故曰惑也。素舉痛論帝曰。余知百病主於氣也。怒則氣上。喜則氣緩。悲則氣消。恐則氣下。寒則氣收。炅則氣泄。

驚則氣亂。勞則氣耗。思則氣急。陰陽氣象大論。東方生風。在聲為呼。在變動為握。在志為怒。怒傷肝。悲

勝怒。所勝即五行生剋之理。南方生熱。在聲為笑。在變動為憂。在志為喜。喜傷心。恐勝喜。中央生濕。在聲為歌。在變

動為噦。在志為思。思傷脾。怒勝思。西方生燥。在聲為哭。在變動為咳。在志為憂。憂傷肺。喜勝憂。北方生寒。

在聲為呻。在變動為慄。在志為恐。恐傷腎。思勝恐。調經論神有餘。則笑不休。神不足。則悲。血有餘。則怒

不足。則恐。血并於陰。氣并於陽。故為驚狂。血并於陽。氣并於陰。乃為疔中。血并於上。氣并於下。心煩惋

善怒。血并於下。氣并於上。亂而善忘。以上情志

不臥多臥。靈邪客篇黃帝問於伯高曰。夫邪氣之客人也。或令人目不瞑。不臥出者。何氣使然。伯高曰。

五穀入於胃也。其糟粕津液宗氣分為三隧。故宗氣積於胸中。出於喉嚨。以貫心脉。而行呼吸焉。榮氣者。

泌其津液。注之於脈。以為血。以榮四末。內注五臟六腑。以應刻數焉。衛氣者。出其悍氣之慄疾。而先行

於四末。分肉皮膚之間。而不休者也。晝日行於陽。夜行於陰。常從足少陰之分間。行於五臟六腑。今厥氣

客於五臟六腑。則衛氣獨衛其外。行於陽。不得入於陰。行於陽。則陽氣盛。陽氣盛。則陽蹻陷。不得入於陰。

陰虛。故目不瞑。黃帝曰。善治之奈何。伯高曰。補其不足。瀉其有餘。調其虛實。以通其道。而去其邪。飲以半

夏湯。一劑。陰陽已通。其臥立至。大惑論黃帝曰。人之多臥者。何氣使然。歧伯曰。此人腸胃大。而皮膚濕

而分肉不解焉。善食人多善卧。往注如此。黃帝曰。卒然多臥者。何氣使然。歧伯曰。邪氣留於上焦。閉而不通。已食若飲

湯。衛氣留久於陰。而不行。故卒然多臥焉。

不夜瞑。不晝瞑。靈樞衛生會篇黃帝曰。老人之不夜瞑者。何氣使然。少壯之人不晝瞑者。何氣使然。歧

伯答曰壯者之氣血盛其肌肉滑氣道通榮衛之行不失其常故晝精而夜眠老者之氣血衰其肌肉枯氣道瀼五臟之氣相搏其榮氣衰少而衛氣內伐故晝不精夜不眠寒熱病篇陽氣盛則瞑目陰氣盛則瞑目

不得臥 素逆調論不得臥而息有音者是陽明之逆也足三陽者下行今逆而上行故息有音也陽明者胃脈也胃者六腑之海其氣亦下行陽明逆不得從其道故不得臥也下經曰胃不和則臥不安此之謂也夫起居如故而息有音者此肺之絡脈逆也絡脈不得隨經上下故留經而不行絡脈之病人也微故起居如故而息有音也夫不得臥臥則喘者是水氣之客也夫水者循津液而流也腎者水臟主津液主臥與喘也

以上臥於陰經亦多臥

靈淫邪發夢篇陰氣盛則夢涉大水而恐懼陽盛則夢大火燔灼陰陽俱盛則夢相殺上盛則夢飛下盛則夢墮其飢則夢取其飽則夢予肝氣盛則夢怒肺氣盛則夢哭懼哭泣飛揚心氣盛則夢喜笑脾氣盛則夢歌樂身體重不舉腎氣盛則夢腰脊兩解不屬素脈要精微論短蟲多則夢聚衆長蟲多則夢相擊毀傷

以上夢

情志臥夢方

半夏秫米湯經以流水千里以外者八升揚之萬遍取其清五升煮之炊以葦薪火沸置秫米一升治

半夏五合徐炊令竭為一升半去其滓飲汁一小杯日三稍增以知為度故其病新發者覆杯則臥汗

出則已矣久者三飲而已也

漢時一斗僅今二升余親見古銅量一校較準如此

半夏麻黃丸金心下悸者此主之

半夏 麻黃等分 右二味末之煉蜜丸小豆大飲服三九日三

此治飲在下者

桂枝救逆湯金匱 火邪者主之

桂枝三兩 甘草二兩 生薑三兩 牡蠣五兩 龍骨四兩 蜀漆三兩 洗 大棗十二 右七味末之 以水一

斗二升 先煮蜀漆減二升 納諸藥者取三升 去滓溫服

黃連阿膠湯傷寒論 治少陰病心中煩不得臥

黃連四兩 黃芩二兩 芍藥二兩 阿膠三兩 雞子黃二枚 右五味以水六升 先煮三物取二升 去渣

納阿膠烱盡 少冷 納雞子黃攪和 溫服七合 此治腎氣中心之不得臥故清心火以納腎氣

酸棗仁湯金匱 治虛勞虛煩不得眠

酸棗仁二升 甘草一兩 知母 茯苓 川芎各二兩 右五味以水八升 先煮棗仁取六升 納諸

藥煮取三升 分溫三服 同一心煩不眠而用藥則別何醫者之多不審也 此方外臺有加乾薑者亦可採取

溫膽湯金匱 治大病後虛煩不得眠 此膽寒故也 宜服

半夏 竹茹 枳實各二兩 橘皮三兩 生薑四兩 甘草一兩 右六味咬咀以水八升 煮取二升

分三服 又一以不眠之症方中一味生薑已足散膽中之寒庸醫則必以熱藥溫膽煩知膽為清虛之腑無用熱補之理也

治多忘金匱

菖蒲二分 茯苓 茯神 人參各五兩 遠志七分 右五味治下篩酒服方寸匕 日二夜 五日

後知神良

枕中方針 治好忘

龜甲炙 龍骨 遠志去心 菖蒲等分 右四味治下篩酒服方寸匕 日三常服令人大聰

鎮心省睡益智方千金翼

遠志五十兩 益智子 葛蒲各八兩 右三味為末以醇糯米酒服方寸匕一百日有效秘不令人知

瘡虛煩不可攻方外 青竹茹二升 以水四升煮取三升去渣分溫五服

梔子豉湯見傷寒 補心丸 天王補心丹道藏 鎮心丸以上三方俱見通治

五穀病耳口鼻

靈樞

靈脈度篇五臟不和則七竅不通

耳

靈素

靈聲氣篇精脫者耳聾液脫者耳數鳴素繆刺論邪客於手陽明之絡令人耳聾時不聞音刺手大指次指爪甲上去端如韭葉許各一痛立聞不已刺中指爪甲上與肉交者立聞其不時聞者不可刺也此乃邪氣入絡痺然耳聾刺手陽明不已刺其通脈出耳前者

病源

耳聾聾耳 津液為風熱所乘結鞅成丸塞耳

耳方

補腎治五聾方千金 治勞聾氣龍風聾虛聾毒聾如此久聾耳中作聲

草麻仁五分 杏仁去皮 桃仁去皮 蠟八分 葛蒲 磁石各一兩 巴豆仁一分 石鹽三分 附子泡

通草各半兩 黃陸香一分 松脂二兩 右十二味先搗諸草石等令細別搗諸仁如脂加松脂及蠟合

搗數千杵可丸乃止取如東核大綿裹塞耳一日四五度出之轉捻不過三四度日一易之

從蓉丸生 治腎虛耳聾或風邪入於經絡耳內虛鳴

肉從蓉 山萸肉 石龍芮一名胡 石菖蒲 兔絲子 羌活 鹿茸 石斛 磁石

附子各一兩 全蠍七個 麝香半兩 右為末煉蜜丸梧子大每服百丸空心酒下或鹽湯下

麝香佛手散奇效 治五般耳出水者

麝香少許 人牙人牙遇存性出火毒 右為細末每用少許吹耳內即乾及治小兒痘瘡出現壓

煮酒調一字服之即出

磁石猪腎羹養老書 治老人久患耳聾養腎臟堅骨氣

磁石一斤 碎水淘 猪腎一對 去脂 右以水五升煮磁石取二升去磁石投腎調和以葱豉薑椒

作羹空腹食之作粥及入酒並得

通耳法生 磁石用堅者如豆大一塊 穿山甲燒存性為末一字 右用新綿紙裹了塞耳口中銜少許鐵覺耳內如風雨即愈一

方用斑毛一個巴豆一粒研細綿裏塞耳痛取出按此症如有火者服清火藥腎虛者服補腎藥隨症施治無定方也

目 靈素

靈論 疾診尺篇 診目痛赤脈從上下者太陽病從下上者陽明病從外走者少陽病 決氣篇 氣脫者目不明 素解精微論 夫風之中目也陽氣內守於精是火氣燔目故見風則泣下也

目方

七寶散千金 主目醫經年不愈方

琥珀 珠子

珊瑚

決明子 紫貝

石胆

馬珂

各一硃砂二分

麝仁五錢

右

為細末傳目中如小豆大日三良

去醫方

千金

貝子

煨

右為末取如胡豆著醫上日再正仰臥令人傳之如炊一石米久乃拭之有

息肉者加珍珠如貝子等分研如粉

補肝丸

千金

主明

地膚子 藍子

蒺藜子

車前子

瓜子

兔絲子

羌蔚子

各二

黃連一兩

青箱子 一合

大黃二兩

決明子

細辛

螢火蟲

各五

桂心五分

右十四味搗篩

煉蜜和丸如桐子大飲服下十五丸可加至二十丸慎生冷油蒜等物眼暗神方也

磁珠丸

機微德原

治神水寬大漸散昏如霧露中行漸觀空中有黑花觀物成二體及內障神水淡綠色

淡白色及治耳鳴及聾

磁石

二兩

辰砂

一兩

神麴

三兩

右三味更以一兩水和作餅煮浮入前藥煉蜜丸每服十丸加至

三十丸空心米湯下

石斛夜光丸

治神水寬大漸散昏如霧露空中有黑花觀物成二神水淡綠淡白色者

天門冬

二兩

兔絲子

七錢

人參

茯苓

各二

甘菊

山藥

枸杞

石斛

杏仁

各七錢

草決明

八錢

麥冬

熟地

生地

各二

肉苁蓉

青箱子

羚羊角

錢

蒺藜

川芎

甘草

黃連

防風

枳殼

烏犀

各五錢

牛膝

七錢

右二十四味為細末煉蜜丸如桐子

大每服三十五丸溫酒鹽湯送下

眼科藥不

羚羊角散

治風熱毒上衝眼目暴發赤腫或生瘡疼痛隱澀羞明

羚羊角銹車前子 甘草 黃芩 川升麻各二兩決明子二十枝龍胆草去蘆山梔仁各五兩右

為細末每服一錢食後溫熱水調下日進三服小兒可服五分

蟬花散治肝經蘊熱風毒上攻眼目翳膜遮睛赤腫疼痛昏暗視物不明隱澀難開多生眵淚內外

障眼

草決明炒甘菊花 川芎不見火蟬退洗去土山梔子 穀精草 防風不見火黃芩去土蔓荊子

木賊草 羌活不見火荊芥 蜜蒙花 白蒺藜炒去刺甘草各等分右為末每服二錢用茶清

調服或用荊芥湯入茶少許調服亦得食後及臨臥時服此去翳通治方

洗眼藥養老書

膽礬一兩煨令白去火毒用滑石一兩研秦皮 羊兩 膩粉二錢 右四味每用一字湯泡候溫閉目洗兩眥頭以

冷為度胆礬入目極痛煨用頗宜使五穀之病惟目病最多所以另有專科此集略述內治數方以備揀取至於全體治法則當廣求眼方諸書而探討之風火時眼前方即於丸散中擇對症之藥酌用可也

鼻

鼻

靈素

靈憂患無言篇人之鼻洞涕出不收者頄頄不開分氣失也 素五臟別篇五氣入鼻藏于心肺心肺有

病而鼻為之不利也

辛頄鼻淵 素氣厥論膽移熱於腦則辛頄鼻淵鼻淵者濁涕下不止也傳為衄衄眼目衄血也故得之氣

厥也

鼻方

通草散千金 治鼻中息肉

通草半兩 礬石燒一兩 真珠一銖 右三味下篩攪縣如棗核取藥如小豆著綿頭納鼻中日三次真珠

能去一切息肉

鼻方千金 治鼻中息肉不得息

礬石燒 藜蘆各半兩 瓜蒂七枚 附子半兩 右四味各搗下篩和以竹管取藥如小豆大納孔中

吹之以縣絮塞鼻中日再吹以愈為度吹不

消鼻痔方

苦丁香 甘遂各二錢 青黛 草烏尖 枯礬各二分 右為細末麻油搜令硬不可爛旋丸如

鼻孔大小用藥納鼻內令至痔肉上每日一次

凌霄花散百一選方 治酒齣鼻

凌霄花 山梔等分 右為末每服二錢食後茶湯調下

蒼耳散 治鼻流涕不止名曰鼻淵

辛夷仁半兩 蒼耳子炒二錢 香白芷一兩 薄荷五分 右為末每服二錢用葱茶湯食後調服

治鼻淵方本事 山梔子燒存性 末之搐入鼻中立愈

又方 藿香為末用豬膽汁或牛膽汁丸每服一錢按鼻病惟鼻淵最重當博求效方不得徒恃外治法也

又方 絲瓜連根處膝炙為末酒服此治鼻中

鼻中瘻肉

硃砂 雄黃 巴豆炭 製信 提硝 珠 冰片 礬砂 苦丁香 以

上俱可選用耳痔及諸瘰肉皆同

口齒

靈素

口苦

靈邪氣臟腑病形論膽病者善太息口苦嘔宿汁心下澹澹恐人將捕之嗑中哕然數唾

齒痛

靈雜病篇齒痛不惡清飲取足陽明惡清飲取手陽明

重舌

靈終始篇重舌刺舌柱以拔針也

瘡

靈憂志無言篇人卒然無音者寒氣客於厭則厭不能發發不能下至其開閤不致故無音肝脉

驚暴

有所驚駭脉不至若瘡不治自己瘡形而瘡者與有妖之瘡皆不必治

口糜

素氣厥論膀胱移熱于小腸高腸不便上為口糜

齒寒

素繆刺論邪客於足陽明之經令人齕衄上齒寒

病源

齕齒者

睡眠而齒相磨切也此由血氣虛風邪客於牙車筋脉之間故因睡眠氣息喘而邪動引其筋

脈故

上下齒相磨切有聲謂之齕齒

滯頤

脾冷不能收攝涎唾漬於頤也

口齒方

口甘方

有病口甘者此五氣之溢也名曰脾癰夫五味入口藏於胃脾為之行其精氣津液在脾故

令口甘也

此肥美之所發也此人必數食甘美而多肥者也肥者今人內熱甘者今人中滿故其氣上

溢轉為消渴治之以蘭除陳氣也

蘭草性味甘寒能利水道辟不祥除胸中痰癖其氣清香能生津止渴潤肌肉故可除陳積蓄熱之氣

口苦方

有病口苦者病名膽痺。夫肝者中之將也，取決于膽，咽為之使。此人者數謀慮，不決故膽虛。

氣上溢而口為之苦。治之以膽募俞。數謀慮不決，肝膽俱勞，勞則虛，虛則氣不固，故胆氣上溢而口苦。取募穴在胃中之外廉。

之穴在胃中之外廉。

療口瘡

治口瘡久不差入胸中，並生瘡，三年以上不瘥者。

濃煎薑黃根汁含之。又稍稍咽之，日三夜一。冬用根，夏用葉。冬青葉湯亦可救。

推頰車法

治失欠頰車蹉開張不合。一人以手指牽其頤以漸推之，則復入矣。惟當疾出其指，恐

誤嚙傷人指也。外塗南星末。

口氣鼻穢方

常以月旦日未出時，從東壁取步七步，回頭向垣立，含水嚙壁七遍，口即美香。此名禁法。

口中臭方

細辛豆蔻含之甚良。

口香去臭方

井花水三升，漱口吐廁中良。

治緊唇方

取蛇皮拭淨，燒為灰，敷之。又方：炙虎口男左女右。

塗唇方

治唇黑腫痛，瘡不可忍。燒亂髮及蜂房，六畜毛作灰，猪脂和敷之，亦治藩唇。

刺舌法

治舌卒腫滿口，溢如吹猪胞，氣息不得通，須臾不治殺人。刺舌兩邊大脈，血出勿使刺著。

舌下中央脈血出不止，殺人如上。治不愈，或血出數升，則燒鐵篋令赤，耐瘡數過以絕血也。

療舌腫方

治舌腫起如猪胞。釜下墨末以酢厚傅舌上下，脫去。更傅須臾即消。若先決出血，汁竟

傳之彌佳。凡此患人皆不識，或錯治益困殺人甚急。但看其舌下自有瘰癧形狀，或如蟬蛸，或如蠶子。

細看之，有頭尾，其頭少白，燒鐵釘烙頭上，使熱即自消。

療舌腫方

治舌上黑有數方大如筋，出血如湧泉，此心藏病。

戎鹽 黃芩 黃柏 大黃各五人參 桂心 甘草各二 右七味蜜丸梧子大以

飲服十丸日三亦燒鐵篋焙之

療重舌針 并治舌上生瘡涎出 以蒲黃末傅之不過三度差

療舌脹方針 用雄雞冠血盞盛浸舌咽下即縮

療舌腫脹本事 治心脾壅熱生木舌腫脹

元參 升麻 大黃 犀角 甘草各等 右為細末每服三錢水一盞煎至五分溫服

不拘時

治失音養老 皂角一挺剉去黑皮并子 蘿葡一個切 右以水二碗同煎至半碗服之不過三服便語喫却蘿葡更妙此方去

療馬喉痹金 治喉痹涎腫連頰吐氣數者名馬喉痹

馬鞭草根一握一名杜牛膝 勿中風截去兩頭搗取汁服之

琥珀犀角膏 治咽喉

真琥珀研 犀角各一錢生用 人參 東仁 茯苓 辰砂研各錢片 腦研一錢 右為末研勻蜜為

膏以磁器收貯候其疾作每服一彈子大以麥冬濃煎湯化下一日連進五服此治陰火上

喉腫刺法千金 治咽喉不得息若毒氣硬咽毒攻咽喉 刺手小指爪文中出血即愈逐左右刺出血

神祕立愈一法刺兩手少商穴出血其穴在大指內廉去爪甲如韭葉

口旁惡瘡方千金

亂髮灰

故絮灰

黃連末

乾薑末等分

右四味合和為散以粉瘡上不過三遍

敷面膏方金十

治野鷄鳥驚冬面潔白

馬珂二兩

白附子

鷹屎白

珊瑚各一兩

右四味研成粉和勻用人乳調每夜取敷面明旦

溫漿水洗之

又方金十

李子仁為末和雞子白敷二宿即落 一方用白附子末酒和敷之即落

止牙痛方

蟾酥七分 硃砂

雄黃各三分 甘草一分

右研極細以飛麵為丸如茱萸子大絲綿裹口塞在痛處

治牙痛仙方

以羊前蹄膝合盤骨以酥塗炙黃為末入細辛末一錢雄黃末五分共三味研極細末擦

患處立愈

治牙疼方金十

蒼耳子五升

右一味以水一斗煮取五升熱含之疼則吐吐復含不過三劑愈無子莖葉皆得用之

如神散局

治風牙疳攻症疼痛牙斷動搖連頰浮腫

露蜂房微炙

川椒法目及開口微炒出汗

右為末每用一錢水二盞入鹽少許同煎八分乘熱漱之冷即吐

一服立效

二味又灰為末擦亦效

細辛散局

治風疳牙疼牙斷宣爛牙齒搖動腮頰浮腫

紅椒

縮砂去殼 鶴虱

牙皂

萆撥各半兩 荊芥

細辛各一兩 白芷

川烏各二兩

右

為細末每用少許於痛處擦之有涎吐出不得咽少時用溫水漱口頻頻擦之立有神效治風寒牙

變各味此屬外科病變無窮並偶錄一二方未及萬一若欲專治此症非廣求博識不可

雜病

靈素

靈口問篇黃帝曰人之欠者何氣使然岐伯答曰衛氣晝日行於陽夜半則行於陰陰者主夜夜者臥陽者主上陰者主下故陰氣積於下陽氣未盡陽引而上陰引而下陰陽相引故數欠陽氣盡陰氣盛則目瞑陰氣盡而陽氣盛則寤矣黃帝曰人之噦者乾嘔為噦或即噦氣何氣使然岐伯曰穀入於胃胃氣上注於肺今有故寒氣與新穀氣俱還入於胃新故相亂真邪相攻氣并相逆復出於胃故為噦黃帝曰人之唏者何氣使然岐伯曰此陰氣盛而陽氣虛陰氣疾而陽氣徐陰盛而陽氣絕故為唏黃帝曰人之振寒者何氣使然岐伯曰寒氣客於皮膚陰氣盛陽氣虛故為振寒寒慄黃帝曰人之噫者何氣使然岐伯曰陽氣逆也何氣使然岐伯曰寒氣客於胃厥逆從上下散復出於胃故為噫黃帝曰人之噎者何氣使然岐伯曰陽氣和利滿於心出於鼻故為噎黃帝曰人之嘔者何氣使然岐伯曰胃不實則諸脉虛諸脉虛則筋脉懈憊筋脉懈憊則行陰有力氣不能復故為嘔黃帝曰人之哀而泣涕出者何氣使然岐伯曰心者五臟六腑之主也目者宗脉之所聚也上液之道也口鼻者氣之門戶也故悲哀愁憂則心動心動則五臟六腑皆搖搖則宗脉感宗脉感則液道開液道開故泣涕出焉液者所以灌精濡空者也故上液之道開則泣泣不止則液竭液竭則精不灌精不灌則目無所見矣黃帝曰人之太息者何氣使然岐伯曰憂思則心忪急心忪急則氣道約約則不利故太息以伸出之黃帝曰人之涎下者何氣使然岐伯曰飲食者皆入於胃胃中有熱則蟲動蟲動則胃緩胃緩則廉泉開故涎下黃帝曰人之耳中鳴者何氣使然岐伯曰耳者宗脉之所聚也故胃中空則宗脉虛虛則下溜脉有所溜者故耳鳴黃帝曰人之自聾古者何氣使然此厥逆走上脉氣革至也少陰氣至則聾古少陽氣至則聾陽明氣至則聾營氣凡此

十二邪者皆奇邪之走空數者也故邪之所在皆為不足

經氣之邪所據則正氣不能復歸故為不足當引本經之正氣以逐邪出外所謂正氣者即本

經之氣故能御邪此指針法言之庸醫不知竟用補藥子邪氣所留之經則是補住其邪矣害忍言哉

目為之眩中氣不足便為之變腸為之苦鳴下氣不足則乃為痿厥心悅五味偏酸走筋多食之令

人癢鹹走血多食之令人渴辛走氣多食之令人洞心苦走骨多食之令人變嘔甘走肉多食之令人悶

心師傳篇岐伯曰入國問俗入家問諱上堂問禮臨病人問所便此引為萬世辨症之秘訣黃帝曰便病人奈何岐

伯曰夫中熱消瘠則便寒寒中之屬則便熱胃中熱則消穀令人懸心善飢臍以上皮熱腸中熱則出黃

如糜臍以下皮寒按寒字當作熱字胃中寒則腹脹腸中寒則腸鳴飧泄凡腸胃宜溫藥瀉泄亦同胃中寒腸中熱則脹而且

泄胃中熱腸中寒則疾飢小腹痛脹黃帝曰胃欲寒飲腸欲熱飲百病始生篇陽絡傷則血外溢血

外溢則衄血陰絡傷則血內溢血內溢則後血腸胃之絡傷則血溢於腸外腸外有寒汁沫與血相搏則

并合凝聚不得散而積成矣邪客篇黃帝問於岐伯曰人有八虛各何以候岐伯答曰以候五臟黃帝

曰候之奈何岐伯曰肺心有邪其氣留於兩肘肝有邪其氣留於兩腋脾有邪其氣留於兩髀腎有邪其

氣留於兩腓凡此八虛者皆機關之室真氣之所過血絡之所遊邪氣惡血固不得住留住則傷筋絡

骨節機關不得屈伸故拘攣也大惑篇黃帝曰人之善飢而不嗜食者何氣使然岐伯曰精氣並於脾

熱氣留於胃胃熱則消穀穀消故善飢胃氣逆上則胃脘寒故不嗜食宣明五氣論五味所入酸入肝

辛入肺苦入心鹹入腎甘入脾是謂五入五氣所病心為噫肺為欬肝為語脾為吞腎為欠為噦胃為氣

逆為噦為呃大腸小腸為泄下焦溢為水膀胱不利為癃不納為遺溺膽為怒是為五病五精所并精氣

并於心則喜并於肺則悲并於肝則憂并於脾則畏并於腎則恐是為五并虛而相并者也五臟所惡心

惡熱肺惡寒肝惡風脾惡濕腎惡燥是為五惡五臟化液心為汗肺為涕肝為淚脾為涎腎為唾是為五

液

液五味所禁辛走氣氣病無多食辛鹹走血血病無多食鹹苦走骨骨病無多食苦甘走肉肉病無多食
甘酸走筋筋病無多食酸是為五禁無令多食五病所發陰病發於骨陽病發於肉陰病發於
於冬陰病發於夏是為五發五邪所亂邪入於陽則狂邪入於陰則痺搏陽則為癰疾搏陰則為瘖陽入
之陰則靜陰出之陽則怒是為五亂五邪所見春得秋脉夏得冬脉長夏得春脉秋得夏脉冬得長夏脉
名曰陰出之陽病善怒不治是謂五邪皆同命死不治五臟所藏心藏神肺藏魄肝藏魂脾藏意腎藏志
是為五臟所藏五臟所主心主脉肺主皮肝主筋脾主肉腎主骨是謂五主五勞所傷久視傷血久臥傷
氣久坐傷肉久立傷骨久行傷筋是謂五勞所傷五脈應象肝脉弦心脉鉤脾脉代肺脉毛腎脉石是謂
五臟之脉至真要大論大要曰君一臣二奇之制也君二臣四偶之制也君二臣三奇之制也君三臣
六偶之制也故曰近者奇之遠者偶之汗者不以奇下者不以偶補上治上制以緩補下治下制以急急
則氣味厚緩則氣味薄適其所此之謂也是故平氣之道近而奇偶制小其服也遠而奇偶至大其服
也大則數少小則數多多則九之少則二之奇之不去則偶之是謂重方偶之不去則反佐以取之所謂
寒熱溫涼反從其病也岐伯曰辛甘發散為陽酸苦涌泄為陰鹹味涌泄為陰淡味滲泄為陽六者或
收或散或緩或急或燥或潤或堅或堅以所利而行之調其氣使其平也岐伯曰有毒無毒所治無主
適大小為制也帝曰請言其制岐伯曰君一臣二制之小也君一臣三佐五制之中也君一臣三佐九制
之大也寒者熱之熱者寒之微者逆之甚者從之堅者削之客者除之勞者溫之結者散之留者攻之燥
者濡之急者緩之散者收之損者益之逸者行之驚者平之上之下之摩之浴之薄之切之開之發之道
事為故帝曰反治何謂岐伯曰熱因寒用寒因熱用塞因塞用通因通用必伏其所主而先其所因其
始則同其終則異可使破積可使潰堅可使氣和可使必已岐伯曰主病之謂君佐君之謂臣應臣之

謂使非上下二品之謂也。岐伯曰：諸寒之而熱者，取之陰熱之而寒者，取之陽。所謂求其屬也。帝曰：善。服寒而反熱，服熱而反寒，此其故何也？岐伯曰：治其王氣，是以反也。五味入胃，各歸所喜，故酸先入肝，苦先入心，甘先入脾，辛先入肺，鹹先入腎。久而增氣，物化之常也。氣增而久，天之由也。陰陽應象大論因其輕而揚之，因其重而減之，因其衰而彰之。形不足者，溫之以氣；精不足者，補之以味。其高者，因而越之；其下者，引而竭之；中滿者，瀉之於內；其有邪者，漬形以為汗。五常政大論岐伯曰：大毒治病，十去其六；常毒治病，十去其七；小毒治病，十去其八；無毒治病，十去其九。穀肉果菜，食養盡之，無使過之，傷其正也。不盡行復如法，必先歲氣，無伐天和。至真要大論帝曰：願聞病機何如？岐伯曰：諸風掉眩，皆屬於肝；諸寒收引，皆屬於腎；諸氣膹鬱，皆屬於肺；諸濕腫滿，皆屬於脾；諸熱瞢瘈，皆屬於火；諸痛痒瘡，皆屬於心；諸厥固泄，皆屬於下；諸痿喘嘔，皆屬於上；諸禁鼓慄，如喪神守，皆屬於火；諸產項強，皆屬於濕；諸逆衝上，皆屬於火；諸脹腹大，皆屬於熱；諸燥狂越，皆屬於火；諸暴強直，皆屬於風；諸病有聲鼓之如鼓，皆屬於熱；諸病附腫，夜酸驚駭，皆屬於火；諸轉反戾，水液渾濁，皆屬於熱；諸病水液澄澈清冷，皆屬於寒；諸嘔吐酸暴注下迫，皆屬於熱。生氣通天論陽因而上，衛外者也。因於寒，欲如轉樞，起居如驚，神氣乃浮。因於暑，汗煩則喘渴，靜則多言。體若燔炭，汗出而散。因於濕，首如裹，濕熱不攘，大筋緘短，小筋弛長，緘短為拘，弛長為痿。因於氣，為腫。四維相代，陽氣乃竭。陽氣者，煩勞則張，精絕，辟積於夏，使人煎厥。目盲不可以視，耳閉不可以聽，潰潰乎若壞都，汨汨乎不可止。陽氣者，大怒則形氣絕，而血菀於上，使人薄厥。有傷於筋，縱其若不容，汗出偏沮，使人偏枯。汗出見濕，乃生座痛。高粱之變，足生大下。受如持虛，勞汗當風，寒薄為皴，鬱乃癢。陽氣者，精則養神，柔則養筋。開闔不得，寒氣從之，乃生大偻。陷脈為癢，留連肉腠，俞氣化薄，傳為善畏，及為驚駭，榮氣不從逆於肉理，乃生癰腫。魄汗未盡，形弱而氣燠，穴俞以閉，發為風虐。故風者，百病

之始也。清靜則肉腠閉拒。雖有大風苛毒弗之能害。此因時之序也。春傷於風邪氣留連乃為洞泄夏

傷於暑秋為痲瘧秋傷於濕上逆而咳發為痿厥冬傷於寒春必溫病四時之氣更傷五臟通平虛實

論黃帝問曰何為虛實岐伯對曰邪氣盛則實精氣奪則虛刺志論氣盛身寒得之傷寒氣虛身熱得

之傷暑穀入多而氣少者得之有所脫血濕居下也穀入少而氣多者邪在胃及與肺也玉機真藏論

黃帝曰余聞虛實以決死生願聞其情岐伯曰五實死五虛死帝曰願聞五實五虛岐伯曰脈盛皮熱腹

脹前後不通悶瞀此謂五實脈細皮寒氣少泄利前後飲食不入此謂五虛帝曰其時有生者何也岐伯

曰漿粥入胃泄注止則虛者活身汗得後病則實者活此其後也臟氣法時論肝苦急食甘以緩之

肝欲散急食辛以散之用辛補之酸瀉之心苦緩急食酸以收之心欲與急食鹹以與之用鹹補之甘瀉

之脾苦濕急食苦以燥之脾欲緩急食甘以緩之用苦瀉之甘補之肺苦氣上逆急食苦以泄之肺欲收

急食酸以收之用酸補之辛瀉之腎苦燥急食辛以潤之開腠理致津液通氣也腎欲堅急食苦以堅之

用苦補之鹹瀉之夫邪之客於身也以勝相加至其所生而愈至其所不勝而其至於所生而持自得

其位而起必先定五臟之脈乃言問其之時死生之期也毒藥攻邪五穀為養五果為助五畜為益五

菜為充氣味合而服之以補精益氣以上皆辨病治病之總訣能精通其理方能識症擇方解飭寒不甚熱不甚惡見人見人心喘喘然熱多汗出其

食飭素氣厥論大腸移熱於胃善食而瘦又謂之食飭胃移熱於膽亦曰食飭

膈洞靈根結篇太陰為開開折則食糜無所輸膈洞故開折者氣不足而生病邪氣臟腑病形篇腎

脈微緩為洞洞者食不化下噎還出

重強 素王機真藏論脾脈不及則令人九竅不通名曰重強

齟齬 靈論疾診尺篇診齟齬痛按其陽之來有過者熱在左熱在右右熱在上上熱在下下熱在


刺論齟齬刺手陽明不已刺其脈入齒中者立已其手陽明之脈貫頰入於齒中故當刺商陽穴不已則刺

問三問谷谷陽經偏
歷溫溜七穴主齒痛

金匱

跌厥 其人但能前不能却刺膻入二寸此太陽經傷也所載雜病其方俱散見於各證條內茲不復贅按病施治無遺法矣

蘭臺軌範卷七終



M87378h

1907

V.8